



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-1/21-2-40-390-2/23**

Datum: **22.09.2023. god.**

«Agencija za vodno područje rijeke Save» Sarajevo rješavajući po zahtjevu Općine Sanski Most podnesenom za izdavanje vodne saglasnosti za izgradnju objekata za zaštitu od poplava (nastavak izgradnje parapetnog zida) na desnoj obali rijeke Sane, u naselju Gerzovo na području općine Sanski Most, na osnovu člana 114. a u vezi sa članom 109. stav (1) tačka 8. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 49/99 i 61/22), **donosi**

RJEŠENJE

o vodnoj saglasnosti

1. Pravnom licu, Općini Sanski Most, daje se vodna saglasnost na projektnu dokumentaciju pod nazivom: «Produžetak izgradnje parapetnog zida na desnoj obali Sane na lokalitetu Gerzovo u Sanskom Mostu, dionica od P3 do P5» u cilju zaštite stambenih objekata od plavljenja rijeke Sane u Sanskom Mostu, urađen od strane „IPSA Institut“ d.o.o. Sarajevo, juna 2022. godine, na zemljištu označenom kao K.Č. 2059, K.O. Sanski Most.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja je ovjerena i zavedena u biblioteku AVP Sava Sarajevo te jedan primjerak dostavljen podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljeni: Elaborat: «Produžetak izgradnje parapetnog zida na desnoj obali Sane na lokalitetu Gerzovo u Sanskom Mostu, dionica od P3 do P5», urađen od strane „IPSA Institut“ d.o.o. Sarajevo, juna 2022. godine, biblioteka I-3, inv.broj: 2808.

Vodna saglasnost se donosi na temelju dostavljene projektne dokumentacije pod sljedećim uslovima:

- 3.1. Izvođenje radova vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja iz navedene projektne dokumentacije.
- 3.2. Nosilac prava iz vodne saglasnosti dužan je u saradnji sa izvođačem radova, nadzornim organom i predstavnikom Agencije prije početka radova riješiti način uklapanja produžetka parapetnog zida sa već izgrađenim, tako što će se bez značajnijih zahvata u prostoru moći pristupiti realizaciji.
- 3.3. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa i svim ostalim podacima koji se uobičajeno vode kod ovakve vrste radova.
- 3.4. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 3.5. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
- 3.6. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
- 3.7. Nakon završetka radova neophodno je radni pojas koji uključuje korito, inundacioni pojas i obalu urediti i očistiti od gradilišnih objekata, mehanizacije i gradilišnog otpada.

- 3.8. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
- 3.9. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom uređenja obale rijeke Sane, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na izgradnji parapetnog zida duž desne obale rijeke Sane u naselju Gerzovo, na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Investitor (korisnik prava iz vodne saglasnosti) ostaje u obavezi, a kada period izvođenja radova na uređenju obale bude tačno preciziran, najmanje sedam dana ranije obavijesti predstavnike lokalne zajednice, o početku izvođenja radova na predmetnoj dionici.
7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju desne obale rijeke Sane na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
9. Korisnik vodne saglasnosti je dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška materijala.
10. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor, Općina Sanski Most, je podnio zahtjev dana 08.09.2023. godine za izdavanje vodne saglasnosti za nastavak izgradnje parapetnog zida na desnoj obali rijeke Sane, u naselju Gerzovo na području općine Sanski Most, dužine cca 100 m, po projektnoj dokumentaciji navedenoj uz zahtjev; Elaborat: « Produžetak izgradnje parapetnog zida na desnoj obali Sane na lokalitetu Gerzovo u Sanskom Mostu, dionica od P3 do P5», urađen od strane IPSA Institut d.o.o. Sarajevo, juna 2022. godine, biblioteka I-3, inv.broj: 2808.

Uz zahtjev za izdavanje vodne saglasnosti dostavljena je slijedeća dokumentacija:

- Ovjerena Kopija uvjerenja o poreznoj registraciji, Porezna uprava Federacije BiH - Kantonalni porezni ured Bihać, od 19.10.2020. godine;
- Statut Općine Sanski Most – ovjerena kopija broj: 07-02-138/15. od 02.11.2015. godine;
- Projekat: «Produžetak izgradnje parapetnog zida na desnoj obali Sane na lokalitetu Gerzovo u Sanskom Mostu, dionica P3 do P5» urađen od strane „IPSA Institut“ d.o.o. Sarajevo, juna 2022. godine. (broj ugovora: 8839/22); na uvid (Napomena: Jedan primjerak elaborata je u

arhivu ureda u Bihaću sa namjenom da se uruči izvođaču radova);

- Urbanistička saglasnost Općini Sanski Most za izgradnju AB parapetnog zida –dionica P3 do P5, na lokalitetu Jezernice-Gerzovo na zemljištu označenom kao K.Č. 2059 K.O. Sanski Most, izdata od strane Službe za urbanizam, prostorno uređenje, građenje i poslovno-stambene poslove pod brojem:UP-1-03-19-1-1741/22 dana 09.08.2023. godine; Prilog uz Rješenje, Urbanističko-tehnički uslovi;
- Uplatnica upravno administrativne takse za izdavanje vodnog akta VS,

U provedenom dokaznom postupku koji je prethodio donošenju ovog rješenja utvrđeno je:

- Investitor je za potrebe izrade projektne dokumentacije za izgradnju parapetnog zida i uređenje desne obale rijeke Sane angažirao ovlašteno pravno lice, „IPSA Institut“ d.o.o. Sarajevo koja je uradila Elaborat kako je prethodno navedeno u tački 1. rješenja,
- „IPSA Institut“ d.o.o. Sarajevo posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12),
- Da je od strane ove Agencije, rješenjem broj UP-1/21-1-40-046-4/23 od 24.03.2023. godine, izdana prethodna voda saglasnost u kojoj su propisani uslovi koji su prilikom izrade projektne dokumentacije uvažnio i u istoj su priloženi opisi i nacrti uobičajeni za ovaj nivo projektne dokumentacije:

- o Situativni prikaz projektnog rješenja za dionicu planiranih radova uređenja desne obale rijeke Sane u Sanskom Mostu, razmjere 1:1000
- o Predviđenim radovima na uređenju desne obale rijeke Sane planirana je stabilizacija i zaštita obale na navedenoj dionici. Rang zaštite od velikih voda Q1/100 je analiziran i cilj ovih zahvata je smanjenje opasnosti od poplava okolnog područja.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 8., a u vezi sa članom 114. „Zakona o vodama“ i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20), propisani uslovi koje je potrebno ispuniti tokom izvođenja radova, te je zahtjev valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Obrađivač akta:

Fuad Mujagić, dipl.inž.

Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- Općina Sanski Most, Trg Ljiljana 1., Sanski Most 79260;
- «Agencija za vodno područje rijeke Save», Sektor 30;
- AVP Sava, ISV-vodna knjiga – ovdje;
- Ⓢ Arhiva – ovdje;
- AVP Sava – Oglasna ploča